

唐山縣志卷之二

建置志

城池

壇廟

公署

堂上鳴琴庭前羅雀官舍所以臨民也臨民者
先思衛民則防禦有城池焉唐雖有山水而城
在平夷無險可恃自金元建土城周圍鑿池相
繼繕補恃陋無譏廨舍廳事亦因之而固若廟
麗於城壇附於郭春秋朔望隆祀典以順民情
義之修禮之藏也志城池志壇廟志公署

城週圍三里許池稱是前無考惟金闥八里元至正間縣令齊光祖以紅巾亂民寡難守就東南隅城焉卽金城也

明成化中知縣祈司葺之厚八尺高三丈餘後知縣貢珊和承芳各加修葺嘉靖間知縣張天祿始建南北城樓及四角樓制始完備至庚戌知縣冀國又增修之雖基域未拓而加高加廣甃內牆益重門增所未有屹然永賴矣萬厯壬午南城樓圯知縣李應奎重建丁未知縣楊于國

修葺崇禎六年知縣劉經理以正北門文星不
輝改置乾向修北城樓崇禎七年知縣謝汝明
修南城皆高舊樓一倍

皇清順治戊子泚水衝城康熙八九年間知縣孫纘
修葺城之南隅接有附城廣如縣城之制而袤
倍之崇僅殺半闢立三門啟閉一如內城蓋嘉
靖初知縣盛鼎所創建戊子泚河泛溢周圍牆
垣十壞八九康熙十年知縣孫纘重修復立三
門亦如舊制焉

咸豐年間因賊氛北竄屢加修葺至同治癸亥
丁卯賊匪屢竄邊界民不安堵計唯重修濠牆
庶可救急目前當修城之餘家喻戶曉計日興
工而插畚雲合球度雷動不旬日厥功告成復
立三門牆外樹柳現城池牆垣屹立附城俱圯
惟土壘基址尙存柳樹亦爲樵夫竊伐殆盡

按唐山城堯山之保障也前無所考惟金圍八
里元至正間縣令齊光祖以紅巾亂民寡難守
就東南隅城焉卽今城也自元至明幾經修葺
縣志所載備矣週圍三里設立兩門南曰迎薰
北曰拱辰子午相衝水火既濟北望古山巍巍
以彰其勢南臨泚水蕩蕩以表其誠佳局也崇

禎六年知縣劉經理以正北門文星不耀改置
乾向修北城樓題其名曰乾元資始以爲山與
門對峙而勢益壯也與門環抱而氣愈雄此北
門所由改作也惟是斯城也提封古冀受采陶
唐通齊晉之捷徑當真廣之衝途東至隆平縣
界十里南至任縣界二十五里西至內邱縣界
二十里北至柏鄉縣界十八里絕長補短廣袤
僅四十餘里崛起五山雄踞其半洄河如帶緣
繞荒村附城三四里許地多浮沙難耕者石田
易漏者沙磧地薄糧重家無蓋藏良有以也
邑人賈
天球識

壇廟

社稷壇 在城北門外東邊

風雲雷雨山川壇 本縣城隍廟配享在城東南

邑壇 在縣東北

帝堯廟 在堯山嘉靖中知縣楊大韶遷於宣嶓
山邑人徐養元以祀非其地於順治三年復建
於堯山有碑文附藝文志知縣鄭宗周置祀田
三十畝以供焚修埽除之役寺僧領種康熙年
間知縣王啟汾復修於宣嶓山有王漁洋所撰
碑記嘉慶間知縣童珖起重修今廢

接堯廟在入祀典每於春秋二祭到山上廟
中致祭以舜禹配享後因廟宇塌圯止留地
基碑碣祭時卽在城中關帝廟
中設牌位祭之仍以舜禹配享

八蜡廟 在縣東南知縣孫纘重修

按唐書貞觀中以季冬臘日蜡祭百神於郊
宋建隆時命和峴定臘日祭蜡之儀玉燭寶
典謂臘者祭先祀蜡者報百神同日異祭也
然考郊特牲篇天子大蜡八伊耆氏始爲蜡
蜡也者索也歲十二月合聚萬物而索饗之
也鄭註十二月建亥之月也八者先嗇一司
嗇二農三郵表畷四猫虎五坊六水庸七昆
蟲八今制定以春秋仲月上戌日祭

馬神廟 在城東南知縣孫纘重修

按周禮馬神之祭有四春祭馬祖天駟星也
夏祭先牧始養馬者秋祭馬社始乘馬者冬
祭馬步乃神之災害馬者隋用周制祭以四
仲之月唐宋因之明初定春秋二仲月甲戌
庚日祭今
仍其制

關帝廟 一在城東南一在文昌祠東舊在衙內

知縣孫纘移建有碑文

按宋初封義勇武安王後加封崇甯至道眞君明初改稱漢前將軍漢壽亭侯嘉靖中訂其訛稱漢前將軍漢壽亭侯祭以四孟及五月十三日

國朝

勅封忠義神武靈佑仁勇威顯關聖大帝雍正三年勅封關帝三公爵供奉後殿除五月十三日專祭外前後殿每歲春秋仲月擇期並祭

衙神廟 在縣內一蕭曹廟

按漢書蕭何爲法曹參代之後世立廟奉之以神定法制刑律猶獄神之祀皋陶也

城隍廟 在射圃西邑人僉事徐養元重修生員

張慎修等督理嘉慶二十五年重修邑人盧異
凡等督理道光二十一年重修邑人盧煥等督
理有碑記同治十二年增修立

皇朝加封碑併新建碑亭邑人賈天球姚良德等總
理有碑記

按前明洪武年間封顯佑伯同治六七年
間屢著靈驗據拔貢生賈天球稟稱聲靈赫

濯有功德於民奏請
加封以順輿情奉
旨加封昭應欽此

泰山行宮

在縣東角門外

地

三官廟

在城東關外

元帝廟

在城北關外

龍王廟

在南關南門外一在南關西門內善人

許蛟建

光武廟

在南王店有元馮子振碑

昭惠靈顯真君廟

在宣嶗山巔今廢

火神廟

唐山舊無火神廟道光中知縣許本銓

創建未及立廟權祀於昭公祠後邑人戴士衡

等卽於莊公祠前立廟焉有碑記

按康熙二年火神列祀典周禮以實柴祀日月星辰有大火之次故祭火神則燔柴唐立廟於南關外殆取向離義也火之神名回祿見左傳註

節孝祠 在縣治前道光年間知縣鄔井南重修

遺愛祠三 一在北甕城內祀知縣楊應丁一在

元帝廟東祀知縣冀國一在邑厲壇東祀知縣

鄭宗周俱祀

孫志曰服官之初以事神治民爲本務入其郊壇廟傾圯祀事不修神不血食吾知居是土者之必無甯宇矣民爲邦本神爲民依吏果愛民卽甕牖繩樞尙思綢繆而令儼然垂象端穆者戴

星披露狎處於鳥穿
鼠剝之中其安之也

後遺愛祠三 一在龍王廟東祀知縣莊際盛現
存一在南關街東祀知縣孫纘一在景福村祀
知縣陳孚俱廢有碑

公署官舍

縣治在十字街西創始於宋元知縣齊光祖增
拓之至正末燬於兵明初縣丞左仲祥重建成
化間知縣孔彥雍重修嘉靖初王友忠重修大
門儀門各三間戒石亭在儀門內甬道正中萬

歷四十三年知縣尙存義重修

皇清康熙七年知縣孫纘重修道光二十三年知縣

許本銓重修二十七年知縣邱贊重修咸豐三

年知縣周鳴鳳重修九年知縣王鳴彝重修同

治年間知縣陳元祿周乃大各重修至光緒元

年堂舍殘缺隘陋塌圯殆半知縣倪昌燮由官

箴坊以及科房班房次第修補煥然一新由大

堂以及內宅書房一併修葺且於大堂石路兩

邊多植槐樹衙署頓爲改觀

按康熙七年至道光末年百餘年來其間之補葺修整不知幾次但咸豐三年科房被大雨淋塌將以前重修卷件盡行污毀茲就現存之卷查出增補

正堂三楹

幕廳三間 在大堂西

庫樓一座 在大堂東

鑾駕庫一間 舊在庫樓前水衝康熙十年知

縣孫纘移建於寅賓館東

六曹房 東西各十二間

中堂三間 在大堂後

內書房三間 在中堂西

知縣宇 在中堂後康熙七年知縣孫纘運朝

建飛來居一所樓三間配房各三間

又樓一間書房各二間使役耳房並內馬肆

共拾五間

按現存房舍規模仍舊
但樓二座久圯改平房

公廨 在縣宅後久廢

土地祠 在儀門外東隅康熙三年知縣單繼

重修

廨山縣志
卷之二
八
寅賓館

在儀門外西隅康熙十一年知縣孫

纘重修

旌善申明二亭

在縣門外東西久廢

大僕寺一所

在縣治略西路南久廢

察院一所

在縣門西

典史宅

在大堂東典史王文忠捐俸增修房

前後一十八間

儒學宅

前廳房三間康熙元年訓導劉光謨

重建康熙八年訓導孟振兆重修

按教諭宅現在文廟東地基寬曠庭宇狹隘同治十年教諭程鳳書勸捐重修內宅北房三間改爲五間添設東西廂房各兩間門樓一間至外書房三間門斗房兩間仍舊修補訓導宅在文廟西咸豐三年被雨水淋塌內外房舍一概傾圮惟舊址尙存

陰陽學 在縣門西

按周禮眠祿掌十煇之法以觀妖祥辨吉凶掌安宅叙降大祝掌六祝之詞以事鬼神祈福祥求永貞小祝掌候禳禱祀之祝號邑之陰陽猶是也凡邑之婚喪營建占卜祈禳莫不咨之必擇一精通者以爲訓術今其學久廢

醫學 在賓館前

按醫師掌醫之政令聚藥以供醫事凡邦之有疾病者疝瘍者造焉則使醫分而治之歲終稽